

4.8.2018
28.03.19



REPUBLIKA E SHQIPËRISË

KOMISIONERI PËR MBROJTJEN NGA DISKRIMINIMI

Nr. 120 Prot.

Tiranë, më 18 / 03 / 2019

Lënda: Dërgohet propozimi për një ndryshim në Strukturën dhe Organikën e Zyres së Komisionerit për Mbrojtjen nga Diskriminimi, për reflektimin e ndryshimeve në lidhjen nr. 3 të VKM-së nr. 187/2017 për kategorizimin e pagës për pozicionin "Inspektor".

Z. Genci GJONÇAJ

Sekretar i Përgjithshëm pranë Kuvendit të Shqipërisë

Tiranë

I nderuar Z. Gjonçaj,

Mbështetur në Vendimin nr. 187, datë 08.03.2017, e Këshillit të Ministrave, "Për miratimin e strukturës dhe të nivelit të pagave të nëpunësve civil/nëpunësve, zëvendësministrit dhe nëpunësve të kabineteve, në kryeministri, aparatet e ministrave të linjës, administratën e presidentit, kuvendit, komisionit qendror të zgjedhjeve, gjykatën e lartë, prokurorinë e përgjithshme, disa institucione të pavarura, institucione në varësi të kryeministrit, institucione në varësi të ministrave të linjës dhe administratën e prefektit" (i ndryshuar), institucioni i Komisionerit për Mbrojtjen nga Diskriminimi është i përfshirë në grupin e institucioneve të përmendura në pikën 1/1 të saj.

Në vijim të miratimit të strukturës së re organike të institucionit të Komisionerit, nëpërmjet Vendimit nr. 88/2018, të Kuvendit të Shqipërisë, si dhe duke ndjekur për analogji, nivelet e pagave të reflektuara dhe miratuara në strukturat organike të institucioneve të tjera, të ngjashme¹, Komisioneri për Mbrojtjen nga Diskriminimi iu drejtua zyrtarisht Departamentit të Administratës Publike, për përfshirjen tij, si institucion i pavarur, në Lidhjen nr. 3 "Kategorizimi për pozicionet e veçanta të punës për funksionet e veçanta në ministritë e linjës dhe institucionet e pavarura", të

¹Referuar strukturës organike të institucionit të Komisionerit për të Drejtën e Informimit dhe Mbrojtjen e të Dhënave Personale, niveli i pagës për pozicionin inspektor është III-a.


KOMISIONI

Vendimit nr. 187, datë 08.03.2017, e Këshillit të Ministrave, “Për miratimin e strukturës dhe të nivelit të pagave të nëpunësve civil/nëpunësve, zëvendësministrit dhe nëpunësve të kabineteve, në kryeministri, aparatet e ministrive të linjës, administratën e presidentit, kuvendit, komisionit qendror të zgjedhjeve, gjykatën e lartë, prokurorinë e përgjithshme, disa institucione të pavarura, institucione në varësi të kryeministrit, institucione në varësi të ministrave të linjës dhe administratën e prefektit” (i ndryshuar), me qëllim ndryshimin e kategorizimit të pagës për pozicionin “Inspektor” nga kategoria e pagës III-b, në kategorinë III-a.

Për sa më sipër, ju bëjmë me dije se nëpërmjet Vendimit nr. 107, datë 06.03.2019, të Këshillit të Ministrave “Për disa shtesa dhe ndryshime në vendimin nr. 187, datë 8.3.2017, të Këshillit të Ministrave, “Për miratimin e strukturës dhe të niveleve të pagave të nëpunësve civil/nëpunësve, zëvendësministrit dhe nëpunësve të kabineteve, në Kryeministri, aparatet e ministrive të linjës, administratën e Presidentit, Kuvendit, Komisionit Qendror të Zgjedhjeve, Gjykatën e Lartë, Prokurorinë e Përgjithshme, disa institucione të pavarura, institucionet në varësi të Kryeministrit, institucionet në varësi të ministrave të linjës dhe administratën e Prefektit”, (të ndryshuar), ndër të tjera, u miratua edhe kërkesa e Komisionerit për Mbrojtjen nga Diskriminimi, për ndryshimin e nivelit të pagës së pozicionit “inspektor”. Në gërmën dh), të VKM-së së sipërpërmendur parashikohet si vijon: “Në lidhjen 3, që përmendet në pikën 3, shtohet si më poshtë vijon: Komisioneri i Mbrojtjes nga Diskriminimi inspektor III-a”.

Mbështetur në parashikimin e mësipërm të VKM-së nr. 107/2019, e cila ka hyrë në fuqi pas botimit në Fletoren Zyrtare², si dhe në referencë të dispozitave përkatëse të Ligjit nr. 9584, datë 17.07.2006 “Për pagat, shpërblimet dhe strukturat e institucioneve kushtetuese dhe institucioneve të tjera të pavarura të krijuara me ligj”, (i ndryshuar), Komisioneri për Mbrojtjen nga Diskriminimi paraqet për miratim pranë institucionit Tuaj, propozimin e tij, për të reflektuar ndryshimin përkatës, në Strukturën dhe Organikën e KMD-së, miratuar me Vendimin nr. 88/2018, e Kuvendit të Shqipërisë.

Duke ju falenderuar për bashkëpunimin



² Fletore Zyrtare nr. 32, datë 15.03.2019, botuar nga Qendra e Botimeve Zyrtare.

**VENDIM**

Nr. 25, datë 16.1.2019

**PËR NJË SHITESË FONDI NË
BUXHETIN E VITIT 2019, MIRATUAR
PËR MINISTRINË E TURIZMIT DHE
MJEDISIT, NGA FONDI REZERVË I
BUXHETIT TË SHTETIT PËR VITIN
2019, PËR PAGESËN E QENDRËS
NDËRKOMBËTARE PËR ZGJIDHJEN E
MOSMARRËVESHJEVE TË
INVESTIMEVE (ICSID)**

Në mbështetje të nenit 100 të Kushtetutës, të neneve 5 e 45, të ligjit nr. 9936, datë 26.6.2008, “Për menaxhimin e sistemit buxhetor në Republikën e Shqipërisë, të ndryshuar, dhe të nenit 13, të ligjit nr. 99/2018, “Për buxhetin e vitit 2019”, me propozimin e ministrit të Turizmit dhe Mjedisit, Këshilli i Ministrave,

VENDOSI:

1. Ministrisë së Turizmit dhe Mjedisit, në buxhetin e miratuar për vitin 2019, i shtohet fondi prej 13 000 000 (trembëdhjetë milionë) lekësh, nga fondi rezervë i buxhetit të shtetit për vitin 2019, si pagesë për detyrimet që rrjedhin ndaj Qendrës Ndërkombëtare për zgjidhjen e Mosmarrëveshjeve të Investimeve (ICSID), lidhur me arbitrazhin ndërkombëtar ARB/14/26, ndërmjet shoqërisë “Albaniabeg Ambient” sh.p.k., Angelo Novelli, “*Costruzioni*”, s.r.l., kundër Ministrisë së Turizmit dhe Mjedisit.

2. Ngarkohen Ministria e Turizmit dhe Mjedisit dhe Ministria e Financave dhe Ekonomisë për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

**KRYEMINISTRI
Edi Rama**

VENDIM

Nr. 107, datë 6.3.2019

**PËR DISA SHITESA DHE NDRYSHIME
NË VENDIMIN NR. 187, DATË 8.3.2017,
TË KËSHILLIT TË MINISTRAVE, “PËR
MIRATIMIN E STRUKTURËS DHE TË
NIVELEVE TË PAGAVE TË
NËPUNËSVE CIVILË/NËPUNËSVE,
ZËVENDËSMINISTRIT DHE
NËPUNËSVE TË KABINETEVE, NË
KRYEMINISTRI, APARATET E
MINISTRIVE TË LINJËS,
ADMINISTRATËN E PRESIDENTIT,
KUVENDIT, KOMISIONIT QENDROR
TË ZGJEDHJEVE, GJYKATËN E LARTË,
PROKURORINË E PËRGJITHSHME,
DISA INSTITUCIONE TË PAVARURA,
INSTITUCIONET NË VARËSI TË
KRYEMINISTRIT, INSTITUCIONET NË
VARËSI TË MINISTRAVE TË LINJËS
DHE ADMINISTRATËN E
PREFEKTIT”, TË NDRYSHUAR**

Në mbështetje të nenit 100 të Kushtetutës, të pikës 2, të nenit 4, të ligjit nr. 10405, datë 24.3.2011, “Për kompetencat për caktimin e pagave dhe të shpërblimeve”, të pikës 2, të nenit 7, të ligjit nr. 152/2013, “Për nëpunësin civil”, të ndryshuar, të ligjit nr. 9584, datë 17.7.2006, “Për pagat, strukturat dhe shpërblimet e institucioneve të pavarura kushtetuese dhe institucioneve të tjera të pavarura, të krijuara me ligj”, të ndryshuar, dhe të ligjit nr. 99/2018, “Për buxhetin e vitit 2019”, me propozimin e Kryeministrit, Këshilli i Ministrave,

VENDOSI:

1. Në vendimin nr. 187, datë 8.3.2017, të Këshillit të Ministrave, të ndryshuar, bëhen shtesat dhe ndryshimet, si më poshtë vijon:

a) Në pikën 1/2:

i) shtohen emërtesat “Qendra e Botimeve për Diasporën” dhe “Avokatura e Shtetit”;

ii) emërtesa “Komiteti Shtetëror i Minoriteteve” zëvendësohet me “Komiteti për Pakicat Kombëtare”.

b) Në shkronjën “a”, të pikës 1/3, emërtesat “Avokatura e Shtetit” dhe “Sekretariati Kombëtar i Nismës për Transparencë në Industrinë Nxjerrëse (EITI - Shqipëri)”, shfuqizohen;



c) Në shkronjën “b”, të pikës 1/3:

i) emërtesa “Agjencia e Mbikëqyrjes së Falimentit” zëvendësohet me “Agjencia Kombëtare e Falimentimit”;

ii) emërtesa “Komisioni Shtetëror i Ndihmës Juridike” zëvendësohet me “Drejtoria e Ndihmës Juridike Falas”;

iii) shtohet emërtesa “Sekretariati Kombëtar i Nismës për Transparencë në Industrinë Nxjerrëse (EITI - Shqipëri)”;

iv) emërtesa “Shtëpia Botuese e Librit Universitar” shfuqizohet.

c) Në shkronjën “c”, të pikës 1/3:

i) emërtesat “Qendra e Realizimit të Veprave të Artit” dhe “Klubi Shumësportësh Partizani” shfuqizohen;

ii) shtohet emërtesa “Qendra Kombëtare e Librit dhe Leximit”.

d) Në lidhjen nr. 2, që përmendet në pikën 2/“a”, në rreshtin e parë të kolonës së dytë, pas emërimit “Master i Arteve” shtohet “Master profesional të përfutur në fund të studimeve të ciklit të dytë, me 120 kredite dhe me kohëzgjatje normale 2 vite akademike”.

dh) Në lidhjen 3, që përmendet në pikën 3, shtohet, si më poshtë vijon:

Komisioneri i Mbrotjes nga Diskriminimi	Inspektor	III-a
Ministria për Evropën dhe Punët e Jashtme	Koordinator në Sekretariatit (Drejtorinë e Përgjithshme) e BE-së	III-a

e) Pika 4/14 shfuqizohet.

ë) Në pikën 6:

i) pas paragrafit “Zëvendësministër” shtohet paragrafi “- Kryetar i Komitetit për Pakicat Kombëtare - 153 300 lekë”;

ii) paragrafët e Prefektit të Qarkut Tiranë, prefektëve të qarqeve të tjera dhe nënprefektëve ndryshohen, si më poshtë vijon:

“- Prefekt 153 300 lekë;

- Nënprefekt 123 000 lekë.”.

f) Pas pikës 8/9 shtohet pika 8/10, me këtë përmbajtje:

“8/10. Kategoritë e pagave të pozicioneve të punës në administratën e Avokaturës së Shtetit janë

sipas lidhjes nr. 5/10, që i bashkëlidhet këtij vendimi dhe është pjesë përbërëse e tij.

Nëpunësit e Avokaturës së Shtetit, të cilët deri në datën 10.2.2012 përfitonin një pagë më të lartë sesa parashikohet në lidhjen nr. 5/10, do të vazhdojnë të përfitojnë pagën e mëparshme. Nëpunësit e tjerë përfitojnë pagat sipas përcaktimit në lidhjen nr. 5/10.

Nëpunësi i emëruar jashtë vendit, në pozicionin “Jurist pranë Misionit të Përhershëm të Republikës së Shqipërisë në Këshillin e Evropës, i cili është përfaqësues i përhershëm pranë Gjykatës Evropiane për të Drejtat e Njeriut”, ka statusin financiar të përfaqësuesit të ministrisë së linjës në përfaqësinë tonë diplomatike pranë BE-së.”.

g) Paragrafi i dytë i pikës 9 shfuqizohet.

gj) Në lidhjen nr. 6/6, që përmendet në pikën 9/6, pas emërtesës “Inspektor auditit” shtohen emërtesat “Këshilltar në kabinetin e Shefit të Shtabit të Përgjithshëm të FA-ve” dhe “Shef zyre në zyrën e zëvendës-shefit të Shtabit të Përgjithshëm të FA-ve”.

h) Pika 9/9 dhe lidhja 6/9 shfuqizohen.

i) Në pikën 10 shtohet paragrafi, me këtë përmbajtje:

“Nëpunësit e Sekretariatit Kombëtar të Nismës për Transparencë në Industrinë Nxjerrëse (EITI - Shqipëri), të cilët sipas organizimit të mëparshëm kanë pasur emërtesën “koordinator” dhe një nivel page më të lartë se përcaktimi i këtij vendimi, do të vazhdojnë të përfitojnë pagën që kanë pasur sipas organizimit të mëparshëm.”.

j) Pas pikës 14 shtohet pika 14/1, me këtë përmbajtje:

“14/1. Punonjësit në projektet me tituj “Projekte me KfW”, “Projekti i kanalizimeve të Tiranës së Madhe”, “Projekti i shërbimeve esenciale”, në Agjencinë Kombëtare të Ujësjetës-Kanalizimeve dhe Infrastrukturës së Mbetjeve, deri në përfundimin e projektit përkatës të trajtohen me pagë:

- drejtues projekti (koordinator) - kategoria II-a;
- specialist - kategoria III-b.

Punonjësit në projektet e programeve IPA në Agjencinë Kombëtare të Ujësjetës-Kanalizimeve dhe Infrastrukturës së Mbetjeve, deri në fund të vitit 2019, të trajtohen me pagë, si më poshtë vijon:



- drejtues projekti (koordinator) - kategoria II-a;
- specialistët - kategoria III-b.

Për vitin 2020 e në vijim, punonjësit e projekteve të programeve IPA në Agjencinë Kombëtare të Ujësjetllës-Kanalizimeve dhe Infrastrukturës së Mbetjeve të trajtohen me pagë njësoj si nëpunësit e tjerë të kësaj agjencie.”.

2. Efektet financiare, që rrjedhin nga zbatimi i këtij vendimi për vitin 2019, të përballohen nga fondet e miratuara për secilin institucion dhe;

a) për prefektët dhe nënprefektët, të fillojnë nga data 1 janar 2019;

b) për përcaktimin në shkronjën “d” të fillojnë nga momenti i hyrjes në fuqi të këtij vendimi;

c) për të gjitha parashikimet e tjera të fillojnë nga momenti i transferimit apo emërimit të nëpunësve në pozicionet e reja, pas miratimit të strukturave dhe organikave përkatëse.

3. Pika 19/1, e vendimit nr. 717, datë 23.6.2009, të Këshillit të Ministrave, “Për pagat e punonjësve mbështetës të institucioneve buxhetore dhe të nëpunësve të disa institucioneve buxhetore”, shfuqizohet.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTRI
Erion Braçe

Lidhja nr. 5/10

Kategoritë e pagave të pozicioneve të punës në administratën e Avokaturës së Shtetit

POZICIONI	KATEGORIA	KRITERI MINIMAL I DIPLOMËS SË SHKOLLËS SË LARTË PËR EFEKT TË PRANIMIT NË POZICIONIN PËRKATËS TË PUNËS PAGA E GRUPIT
Jurist	III-b	1 ose 2
Specialist	IV-a	1, ose 2, ose 3
Sekretar	IV-b	1, ose 2, ose 3

VENDIM

Nr. 108, datë 6.3.2019

PËR NJË NDRYSHIM NË VENDIMIN NR. 590, DATË 18.10.2017, TË KËSHILLIT TË MINISTRAVE, “PËR PËRBËRJEN E KËSHILLIT KOMBËTAR TË UJIT”

Në mbështetje të nenit 100 të Kushtetutës dhe të shkronjës “a”, të pikës 1, të nenit 8, të ligjit nr. 111/2012, “Për menaxhimin e integruar të burimeve ujore”, të ndryshuar, me propozimin e Kryeministrit, Këshilli i Ministrave,

VENDOSI:

Në pikën 1, të vendimit nr. 590, datë 18.10.2017, të Këshillit të Ministrave, “Për përbërjen e Këshillit Kombëtar të Ujit”, fjalët “Ministrin e Brendshëm” zëvendësohen me “Ministrin e Mbrojtjes”.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTRI
Erion Braçe

VENDIM

Nr. 109, datë 6.3.2019

PËR VENDOSJEN E STANDARDEVE NË KRYERJEN E DISA AKTIVITETEVE ME PUNONJËS TË PËRKOHSHËM, NË NJËSITË E QEVERISJES QENDRORE

Në mbështetje të nenit 100 të Kushtetutës, të nenit 16, të ligjit nr. 9936, datë 26.6.2008, “Për menaxhimin e sistemit buxhetor në Republikën e Shqipërisë”, të ndryshuar, të pikës 2, të nenit 18, të ligjit nr. 7961, datë 12.7.1995, “Kodi i Punës i Republikës së Shqipërisë”, të ndryshuar, me propozimin e ministrit të Financave dhe Ekonomisë, Këshilli i Ministrave,

VENDOSI:

1. Aktivitetet që nuk mund të realizohen nga punonjësit organikë, në kuadër të veprimtarisë së tyre vjetore në njësitë e qeverisjes qendrore, konsiderohen si shërbime dhe realizohen me sipërmarrje (nëpërmjet të tretëve), duke zbatuar legjislacionin në fuqi për prokurimin. Në rastet kur

4-10-20

4-10-20

4-10-20

4-10-20